

U Palazzu verdi

Quandu si mistificheghja u banditu Bellacoscia.

In u palazzu verdi

Se ùn trovi l'aceddi,
Poi infattà un cundannatu stranu :
A so barba hè incasciata,
U fucili hè armatu,
Tali Falcina in a so rialtà

'Ssu palazzu abbaglianti,
Trà a vita è a morti,
Hè fruntiera scura pà l'umanità
Ùn hè micca sguaiata
È mancu dizgraziata,
Antica prova di a dignità

Cusì ferma l'intesa,
Chì silenziu è attesa
Sò i cumpagni di l'eternità
Da chì u mondu hè mondu
Da u celu à u prufundu,
Lamentu mutu di a lialtà

Aldilà di u ventu,
Aldilà di u tempu
Cresci, furiosa, a voglia di campà
Di petra è di saetta,
D'onori è di vindetta,
Tremenda stà l'ugnula vulintà

Paroddi : Mathieu Casanova / Musica : Michel Tomei